

## — 516 —

geltes, friburger münz, die from Elare Grefin von Züwigen vnser muome von vnser vnd der herschaft wegen het, ab den vorgeantent anderhalb hundert marken silbers, die söllent ir der rat vnd die burger hinnantzin, als ouch daher jerslich rihten vnd geben, vnd söllent ouch der rat vnd die burger von Friburg zuo dem widerkouf desselben geltes recht han in alle die wise, als wir oder vnser erben oder nachkommen recht darzuo hattent, nach der brieffe bewisunge, die darüber gegeben sint. Wir Graf Egen von Friburg vorgeantent hant ouch vns selber vnd vnsern erben vnd nachkommen, in dirre suon vnd rihtunge vorbehept vnd vsgenomen, das wir vswendig den vorbenemten krügen umb Friburg haben söllent vnd bliben, bi allen vnsern friheiten, rehten, gütern, nützen vnd gülden, die vnser vordern vnd wir von derselben herschaft wegen von Friburg her hant braht vns vf disen hüttigen tag, ane geuerde. Vnd ist das mit namen, die lantgraaffschaft in Brisgow mit der manschaft vnd mit allen iren rehten, darzuo die manschaft, die von der herschaft von Friburg darrüret. So denne die silberberge, die wiltbenne, vnd die manschaft die darzuo gehöret, als wir die ouch her hant braht. Darzuo alle vnser dörffere, zwinge vnd benne, lüte vnd guotere, gericht vnd vogtie, wasser, vischenzen, holz vnd velde, wunne vnd weide, mit allen rehten vnd gewonheiten, wie die gelegen oder genemet sint, als wir die ouch her hant braht slehtiflich, ane alle geuerde. Het aber jeman ab denselben gütern, nützen oder rehten, deheinen zins oder gülte, dem sol sin recht behalten sin. Vns hant ouch die von Friburg alle vnser lüte, die vswendig der vorgeantent stat ze Friburg vnd dem begriffe, so darzuo gehöret, geseffen sint, die ir burger warent, von desselben irs burgrehtes wegen lidig gelassen, vnd söllent vns noch vnsern erben darzuo der vnsern hinnantzin deheinen ze burger empfangen, es beschehe denne mit vnserm oder vnser erben willen. Wölte aber der vnsern deheiner, der ies ir burger ist, inwendig zwein maneten den nehsten zuo inen gen Friburg in die stat ziehen, vnd da